

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), člana 6. stav (1) Zakona o finansijskoj konsolidaciji i restrukturiranju javnih zdravstvenih ustanova u Federaciji Bosne i Hercegovine („Službene novine Federacije Bosne i Hercegovine“, broj: 34/22 i 77/22) i člana 6. stav (3) Pravilnika o sadržaju dokumentacije koja se dostavlja uz zahtjev za pokretanje postupka finansijske konsolidacije i/ili restrukturiranja za javne zdravstvene ustanove u Federaciji Bosne i Hercegovine („Službene novine Federacije Bosne i Hercegovine“, broj: 52/22), na prijedlog ministra Ministarstva zdravstva, koji je prethodno usaglašen sa ministrom Ministarstva finansija, Vlada Zeničko-dobojskog kantona, na 182. sjednici, održanoj dana 24.11.2022. godine, d o n o s i

ODLUKU

o finansijskoj konsolidaciji i restrukturiranju JU Kantonalna bolnica Zenica

Član 1.

(Predmet)

Odobrava se finansijska konsolidacija i restrukturiranje JU Kantonalna bolnica Zenica, u skladu sa Odlukom Upravnog odbora JU Kantonalna bolnica Zenica broj: 00-1-02-1086/22 od 15.11.2022. godine, kojom je odobreno podnošenje dokumentovanog zahtjeva za pokretanje postupka finansijske konsolidacije i restrukturiranja JU Kantonalna bolnica Zenica, koji je nakon izvršene procjene usaglašen između ministra Ministarstva zdravstva i ministra Ministarstva finansija Zeničko-dobojskog kantona.

Član 2.

(Postupak finansijske konsolidacije i restrukturiranja)

Postupak finansijske konsolidacije i restrukturiranja JU Kantonalna bolnica Zenica obavlja se na način i po postupku koji je propisan Zakonom o finansijskoj konsolidaciji i restrukturiranju javnih zdravstvenih ustanova u Federaciji Bosne i Hercegovine, podzakonskim propisima donesenim na osnovu ovog zakona i Programom finansijske konsolidacije i restrukturiranja JU Kantonalna bolnica Zenica, koji je usvojen Odlukom Upravnog odbora JU Kantonalna bolnica Zenica broj: 00-1-02-1084/22 od 15.11.2022. godine i odobren Odlukom Vlade Zeničko-dobojskog kantona broj: 02-11-17443/22 od 24.11.2022. godine.

Član 3.

(Trajanje finansijske konsolidacije i restrukturiranja)

Finansijska konsolidacija i restrukturiranje JU Kantonalna bolnica Zenica obaviti će se u periodu od tri godine, računajući od dana usvajanja ove odluke.

Član 4.

(Stupanje na snagu)

Ova odluka stupa na snagu danom donošenja i objavit će se u „Službenim novinama Zeničko dobojskog kantona“.

PREMIJER

Mirnes Bašić

Broj: 02-11-17502/22

Datum, 24.11.2022. godine

Z e n i c a

DOSTAVLJENO:

1x Ministarstvo zdravstva,

1x Federalno ministarstvo zdravstva, putem Ministarstva,

1x Ministarstvo finansija,

1x JU Kantonalna bolnica Zenica, putem Ministarstva,

1x „Službene novine Zeničko-dobojskog kantona“,

1x a/a.